



Isalathiso: 20210609-3675  
Inombolo yefayili: 13/8/1  
Imibuzo: M Combrink


INGcaciso eMfutshane yeCandelo loLawulo loVavanyo:0008/2021

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharityhulam, kuBaphathi beeSekethe, kwiiNtloko zoLawulo noKuphathwa kwamaZiko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke

**Isihloko: Kucelwa izicelo zesithuba sokuba ligosa elingumakhi-mkhanya (monitor) kwiimviwo zeSatifikethi seMatriki sikaZwelonke (NSC) nezeSatifikethi seMatriki (SC) zango-2021/2022**

1. Ukuqinisekiswa komgangatho, ukuziphatha kakuhle, ulawulo nokusingathwa kweemviwo kubalulekile kuwo onke amanqanaba enkqubo yemfundo. Ukuqinisekisa ukuba iimviwo zithembekile, iSebe leMfundo leNtshona Koloni (iSebe iWCED) liya kuba lisomeleza ukubekwa esweni kweemviwo kwiphondo liphela.
2. Imimiselo nemigangatho eyeyona isezantsi ekubekweni esweni kwamaziko ekubhalelwa kuwo iimviwo ngethuba leemviwo icacisiwe kumgaqo-nkqubo i-Regulations Pertaining to the Conduct, Administration and Management of the National Senior Certificate examination, owawupapashwe kwiGazethi kaRhulumente No. 37651 yowe-16 Meyi 2014.
3. ISebe iWCED ngokwenjenje licela ootitshala ababeqeshiwe ngaphambili (abadla umhlalaphantsi) okanye amagosa anamava ngokubhalwa nolawulo olufanelekileyo lweemviwo enze isicelo sokuba ligosa elingumakhi-mkhanya (monitor), ukubeka esweni iimviwo ze-NSC neze-SC zango-2021/2022.
4. Abenzi-sicelo abalindelekileyo mabathobele ezi khayitheriya zilandelayo:
  - 4.1 Ngokhe waqeshwa ngethuba elingaphambili njengomphathi wesekethe, ingcali yemfundo eyintloko, isekela lengcali yemfundo eyintloko, umcwangcisi wekharityhulam omkhulu, umcebisi ngezifundo, ingcali yemfundo eneqhuzu, inqununu, isekela nqununu okanye igosa loviwo.

- 4.2 Ngonamava eminyaka emithathu ubuncinane njengegosa elingumakhi-mkhanya okanye ekubhalweni, ekulawuleni nasekuphathweni kweemviwo ze-NSC/ze-SC.
- 4.3 Ngongenalo irekhodi lolwaphulo-mthetho.
- 4.4 Ngongagqithanga kwiminyaka yobudala eyi-69. Kuya kufuneka isiqinisekiso sezonyango esisuka kugqirha ukungqina ubume bempilo yakhe.
5. Abenzi-sicelo mabasebenzise izithuthi zabo ukuya kwenza umsebenzi wokuba ligosa elingumakhi-mkhanya.
6. Ziya kutshekishwa yaye zingqinisiswe iinkcukacha zawo onke amagosa angabakhi-mkhanya yi-*Dots Africa* eya kwenza ingxelo yokungqinisiswa ngokufaneleka kwawo kulo msebenzi (*personal credential verification report*).
7. Akuyi kuqeshwa njengegosa elingumakhi-mkhanya ukuba:
  - wakha wagxotha kwinkonzo kulo naliphi na isebe likarhulumente waseMzantsi Afrika;
  - wathatha iphakheji yokuziyekela ngokuzithandela emsebenzini (*voluntary severance package*); okanye
  - wathatha umhlalaphantsi ngenxa yokungaphili.
  - i-MIE iveza inkcazo (*legend*) yokungathembeki kwakhe engu-“*Risk*”.
8. Kuya kufunwa ezi seti zala maxwebhu alandelayo xa kuqeshwa:
  - ikopi eqinisekisiweyo yesazisi (*identity document*);
  - iinkcukacha zokubhankisha kunye (DPE 3);
  - neenkukacha zenombolo yerhafu.
9. Kuya kuqeshwa amagosa angabakhi-mkhanya ukususela malunga nowe-19 Oktobha 2021 ukuya kowe-10 Disemba 2021 ukulungiselela iimviwo zeNSC. Amagosa angabakhi-mkhanya aya kuqwalaselelwa ukuqeshwa kwiimviwo zangoMeyi/Juni 2021, kwaye kuya kufuneka kwakhona ukuba abhale uvavanyo lobuchule nezakhono zomsebenzi (*competency test*) emva kweseshoni yooqeqesho.
10. Onke amagosa angabakhi-mkhanya aqeshiweyo kufuneka aye kuqeqesho lokuba ngamagosa angabakhi-mkhanya oluya kucwangciswa ngoSeptemba/Oktobha 2021, phambi kokuba iimviwo ziqale.
11. Intlawulo yamagosa angabakhi-mkhanya (*monitors*) isekelwe kwiintlawulo ezimiselweyo (*rates*) ezicaciswe kwi-*Personnel Administrative Measures (PAM)*, njengoko zipapashiweyo kwiGazethi kaRhulumente No. 39684 yowe-12 Februwari 2016.

12. Izicelo mazingeniswe phambi okanye ungasululanga umhla we-**01 Julayi 2021**.
13. Izicelo zinokungeniswa kuphela ngekhompyutha okanye ngefoni eyimobhayili kusetyenziswa le linki ilandelayo: <https://forms.office.com/r/Rv73YECGCA> okanye i-QR code. 
14. Sakuba singeniswe isicelo, iFom yokuXela iiNkcukacha zoMntu (*Personal Credential Disclosure Form*) iya kuthunyelwa nge-imeyili kubo bonke abenzi-sicelo. Uxwebhu oluzalisiweyo nekopi engqinisiweyo ye-ID yomenzi-sicelo mayiskenwe ngefomathi ye-PDF ngokukhawuleza yaye mayithunyelwe nge-imeyili apha: [Moya.Combrink@westerncape.gov.za](mailto:Moya.Combrink@westerncape.gov.za).
15. Kucelwa iinqununu, abalawuli bezithili, abaphathi beesekethe nabacebisi ngezifundo bazise okukule ngcaciso imfutshane bonke abenzi-sicelo abalindelekileyo. **ICandelo loLawulo loVavanyo alinakubekwa tyala ngokuba abenzi-sicelo abalindelekileyo bengaziswanga ngokuqulethwe apha.**
16. ISebe iWCED lithembele kwintsebenziswano nakwinkxaso yenu kulo mbandela ubaluleke kangaka.

**ISAYINWE:**NGU-H MAHOMED

**USEKELA MLAWULI-JIKELELE OBAMBELEYO WEKHARITYHULAM NOLAWULO LOVAVANYO**

**UMHLA:** 2021-06-21